

কালিয়াচক-২ ব্লকে পরীক্ষার্থী ২৪৫৯

মোথাবাড়ি, ১৩ মার্চ : কালিয়াচক-২ ব্লকের বাঙ্গীটোলা সেন্টারে এবারে মোট মাধ্যমিক পরীক্ষার্থীর সংখ্যা ২৪৫৯ জন। এর মধ্যে রেগুলার ২৩১৯ জন, সিসি ১০৯ জন এবং কম্পার্টমেন্টাল ৩১ জন। প্রথমদিনের পরীক্ষাতেই এই সেন্টারের তিনজন পরীক্ষার্থী অসুস্থ হয়ে পড়ে। তাদের মধ্যে এক ছাত্রী পরীক্ষা দিতে পারেনি। দু'জন পরীক্ষার্থী পরীক্ষা দেয় হাসপাতালের বেড়ে।

এই বছর কালিয়াচক-২ ব্লকের মোট ১২টি স্কুলের ৬টি ভেনুতে পরীক্ষা নেওয়া হচ্ছে। মূল সেন্টার বাঙ্গীটোলা হাইস্কুল। বাকি ভেনুগুলি হল উত্তর লক্ষ্মীপুর হাইস্কুল, রথবাড়ি, মেহেরাপুর, গঙ্গাধর, বালুয়াচা ও পাঁচকড়িটোলা হাইস্কুল।

এর মধ্যে বাঙ্গীটোলা হাইস্কুলে পরীক্ষা দিচ্ছে পঞ্চানন্দপুর সুকিয়া ও উত্তর লক্ষ্মীপুর হাইস্কুল। এখানে মোট পরীক্ষার্থী ৬৮৯ জন। উত্তর লক্ষ্মীপুর ভেনুতে পরীক্ষা দিচ্ছে মোথাবাড়ি ও যুগলতলা হাইস্কুলের ৪১৯ জন পরীক্ষার্থী। রথবাড়ি ভেনুতে পরীক্ষার্থীর সংখ্যা ৫৬২ জন। এখানে পরীক্ষা দিচ্ছে বাঙ্গীটোলা ও পাঁচকড়িটোলা হাইস্কুল। মেহেরাপুর গঙ্গাধর হাইস্কুলের ভেনুতে বালুয়াচা ও বিরামপুর হাইস্কুলের পরীক্ষার্থীরা পরীক্ষা দিচ্ছে। বালুয়াচা ভেনুতে পরীক্ষা দিচ্ছে উত্তর লক্ষ্মীপুর ও রথবাড়ি হাইস্কুলের ৬০১ জন ছাত্রছাত্রী। নয়াজার ও দুর্লভপুর হাইস্কুলের ২৬৯ জন পরীক্ষার্থীর ভেনু করা হয়েছে পাঁচকড়িটোলা হাইস্কুলে। সোমবার বাঙ্গীটোলার সেন্টার সেক্রেটারি ধরশিখর মণ্ডল জানান, ৬টি ভেনুতে মোট পরীক্ষার্থী ২৪৫৯ জন। রুবেলা খাতুন নামে উত্তর লক্ষ্মীপুর হাইস্কুলের এক ছাত্রী বাঙ্গীটোলা হাইস্কুলে পরীক্ষা দিতে গিয়ে অসুস্থ হয়ে পড়ে। চিকিৎসার জন্য তাকে বাঙ্গীটোলা স্বাস্থ্যকেন্দ্রে ভর্তি করা হয়। ফলে সে পরীক্ষা দিতে পারেনি। দুইজন পরীক্ষার্থী অসুস্থ থাকার জন্য স্বাস্থ্যকেন্দ্রের বেডে পরীক্ষা দেয়।

পুলিশকে মার, ধৃত এক

হিলি, ১৩ মার্চ : হিলি থানার ডাবরা গ্রামে সিডিক ভলান্টিয়ার সহ পুলিশকে মারধরের অভিযোগে একজনকে গ্রেফতার করা হয়েছে। ধৃত সন্তোষ মহন্ত এলাকায় বিজেপি নেতা বলে পরিচিত। মঙ্গলবার সকালে তাকে আদালতে পেশ করা হয়।

গত ২৩ ফেব্রুয়ারি ডাবরা গ্রামে লরি ও টোটোর সংঘর্ষে আহত হয় টোটোর বেশ কয়েকজন যাত্রী। কর্তব্যে গাফিলতির অভিযোগে স্থানীয় বাসিন্দারা দুই সিডিক ভলান্টিয়ারকে মারধর করে। পরিস্থিতি সামাল দিতে ঘটনাস্থলে পৌঁছে জনরোষের মুখে পড়তে হয় হিলি থানার পুলিশকে। মারধরে আহত হয় কয়েকজন পুলিশকর্মীও। সিডিক ভলান্টিয়ার ও পুলিশকে মারধরের অভিযোগে পুলিশ সাতজনকে গ্রেফতার করে। তাদের জিজ্ঞাসাবাদ করেই উঠে আসে সন্তোষ মহন্তের নাম। প্রায় তিন সপ্তাহ গা ঢাকা দিয়ে থাকার পর সোমবার রাতে ডাবরা গ্রাম থেকেই তাকে গ্রেফতার করে পুলিশ। হিলি থানার ওসি টাসি থিরিং শেরপা বলেন, ডাবরায় সিডিক ও পুলিশকে মারধরের ঘটনায় অনেকের নাম জড়িয়েছে। তাদের মধ্যে কয়েকজনকে গ্রেফতার করা হয়েছে। বাকিদেরও খুব শীঘ্র গ্রেফতার করা হবে।

TENDER NOTICE

Tender notification for purchase of furniture & Equipment. Details available in website : <http://maldakvk.in/notice>.

Sd/-
Sr. Scientist & Head-Malda KVK

আল-আমীন মিশন

❖ একাদশ শ্রেণিতে (বাংলা মাধ্যম) ভর্তির Online Form Fill-up চলছে। মুসলিম আবাসিক ছাত্র-ছাত্রীদের জন্য। ❖ শেষ তারিখ: ১৮ মার্চ ২০১৮ ❖ প্রবেশিকা পরীক্ষা: ২৫ মার্চ ২০১৮, রবিবার।

ENGLISH MEDIUM (Boys & Girls)

For class XI Science (Muslim minorities)

● Last date: 30.03.2018 ● Admission Test: 08.04.2018

■ 2nd phase Admission Test for classes V to IX: 18.03.18

For Online Form Fill-up: www.alameenmission.org

Regd. Office: Khalatpur, Howrah, Ph: 96799 99682, 74790 20066



পতিরামের লোকনাথ সেবাশ্রমে ভক্তদের ভিড়। ছবিটি তুলেছেন সাজাহান আলি।

বার্ষিক উৎসবে ভক্তের ঢল নামল লোকনাথ সেবাশ্রমে

পতিরাম, ১৩ মার্চ : বানিয়াকুড়ি লোকনাথ সেবাশ্রম সমিতির ৪২তম বার্ষিক ধর্মীয় মহোৎসব বিপুল ভক্ত সমাগমের মধ্য দিয়ে শেষ হল সোমবার রাতে। বালুয়াচাট ব্লকের ৯নং গোপালবাড়ি গ্রাম পঞ্চায়তের অধীন ৩ দিন ব্যাপী এই মহোৎসবে বিশিষ্ট অতিথি হিসাবে উপস্থিত ছিলেন উত্তরবঙ্গ উন্নয়ন দপ্তরের রত্নমন্ত্রী বাচ্চু হাঁসদা। বানিয়াকুড়ির মতো প্রত্যন্ত গ্রামের ও আশপাশ এলাকার অগণিত আবালবৃদ্ধবনিতা এই ধর্মীয় উৎসবে शामिल হয়ে নিজেদের ভাগ্যবান বলে মনে করেন।

লোকনাথ সেবাশ্রম সমিতির ৪২তম ধর্মীয় মহোৎসবের সূচনা হয় রক্তদান শিবিরের মাধ্যমে। একজন মহিলা সহ মোট ২৬ জন এখানে রক্তদান করেন। সন্ধ্যায় অনুষ্ঠিত হয় ভক্তিমূলক সংগীত সহযোগে বৈচিত্র্যময় সাংস্কৃতিক অনুষ্ঠান। এবারের ধর্মীয় মহোৎসব পার্শ্ববর্তী কামালপুর থেকে অভিমুখে বারি আনয়ন করে লোকনাথ ব্রহ্মচারীর পাদুকা অভিষিক্ত করা হয়। এর পাশাপাশি পুজো, বৈদিক যজ্ঞ, মহাপ্রসাদ বিতরণ ও দুগ্ধের মধ্যে বস্ত্র বিলি করা হয়। প্রচুর মহিলা সহ অগণিত ভক্তের সমাগমে বানিয়াকুড়ির মন্দির প্রাঙ্গণ ভরে ওঠে। প্রসাদ গ্রহণে ভক্তদের বিরাট লাইন চোখে পড়ে। সকলে তৃপ্তি সহকারে প্রসাদ গ্রহণ করেন। বানিয়াকুড়ির লোকনাথ ব্রহ্মচারীর সেবাশ্রমে তিনদিন ব্যাপী পুজো ও ধর্মীয় মহোৎসবে সোমবার সন্ধ্যায় হাজির ছিলেন উত্তরবঙ্গ উন্নয়ন প্রতিমন্ত্রী বাচ্চু হাঁসদা। প্রচুর ভক্তদের সামনে মন্ত্রী বলেন, প্রকৃত ধর্মবোধ, ধর্মাচারণ ও উদারতা মানুষকে মহৎ করে তোলে। সমাজ ও দেশগড়ার কাজে সম্প্রীতি, ভ্রাতৃত্ববোধ, একতার ভীষণ প্রয়োজন বলে মন্ত্রী বাচ্চুবাবু মন্তব্য করেন।

হেমতাবাদে নির্বিঘ্নে কাটল মাধ্যমিকের দ্বিতীয় দিন

হেমতাবাদ, ১৩ মার্চ : প্রথম দিনের মতো শান্তিপূর্ণভাবেই শেষ হল মাধ্যমিক পরীক্ষার দ্বিতীয় দিন। এবারে হেমতাবাদে রয়েছে মোট ৬টি পরীক্ষাকেন্দ্র। হেমতাবাদ আদর্শ উচ্চবিদ্যালয়কে মূল ভেনু করে চলছে পরীক্ষাপর্ব। মোট ২৪১৮ জন মাধ্যমিক পরীক্ষার্থী এবার পরীক্ষা দিচ্ছে হেমতাবাদে। এদের মধ্যে ছাত্র ৯১৫ জন, ছাত্রী ১৫০৩ জন। হেমতাবাদের বিভিন্ন সঙ্ঘর খাটাল, ওসি বিশ্বনাথ মিত্র এবং আদর্শ উচ্চবিদ্যালয়ের প্রধান শিক্ষক নীলমণি সরকারের নেতৃত্বে ও সৃষ্ট প্রশাসনিক ব্যবস্থাপনায় চলছে পরীক্ষাপর্ব।

খবরের জেরে রাস্তা সংস্কার শুরু কুশমণ্ডিতে

কুশমণ্ডি, ১৩ মার্চ : উত্তরবঙ্গ সংবাদের খবরের জেরে উষাহরণ থেকে কুশমণ্ডি যাওয়ার রাস্তা সংস্কার শুরু করল ব্লক প্রশাসন। উল্লেখ্য, ওই ৫ কিলোমিটার রাস্তায় ২টি মাধ্যমিক পরীক্ষার

সেন্টার রয়েছে। একটি হল মানিকোর ও অন্যটি খাগাইল টঙ্কনাথ সরকার উচ্চবিদ্যালয়ে। ওই রাস্তার অবস্থা এতটাই খারাপ যে, ১৫ মিনিটের রাস্তা যেতে সময় লাগত ৪০ মিনিট। পরীক্ষার

সময় রাস্তা সংস্কার না করে কীভাবে চুপচাপ বসে থাকল প্রশাসন এই নিয়ে প্রশ্ন তোলেন পরীক্ষার্থী সহ শিক্ষক ও অভিভাবকরা। খবরটি প্রকাশ হয় উত্তরবঙ্গ সংবাদে। এরপরেই

নড়েচড়ে বসে প্রশাসন। মঙ্গলবার রাস্তাটি সংস্কারের কাজ দ্রুতগতিতে শুরু করল সংশ্লিষ্ট দপ্তর। কুশমণ্ডি ব্লক প্রশাসন সূত্রে জানা গেছে, আগামীকালের মধ্যে রাস্তা সংস্কারের কাজ শেষ হয়ে যাবে।

আজ কৃষক দিবস

সমস্ত কৃষকদের জানাই অন্তরের অভিনন্দন

নন্দীগ্রামে কৃষিজমি রক্ষার আন্দোলনে নিহত শহিদ কৃষকদের স্মৃতির প্রতি শ্রদ্ধা রেখে প্রতি বছর ১৪ মার্চ পালিত হয় কৃষক দিবস। এই উপলক্ষে সমস্ত কৃষক ভাইবোন, খেতমজুর এবং তাদের পরিবার-পরিজন সকলকে জানাই শুভেচ্ছা ও অভিনন্দন।

তথ্য ও সংস্কৃতি বিভাগ, পশ্চিমবঙ্গ সরকার

হয়ে ওঠো আরো পাওয়ারফুল

ইন্ডিয়ান নান্বার 1 স্পোর্টস বাইকের সঙ্গে

মাত্র ₹7999/- ডাউন পেমেন্ট করে

PULSAR 150

এক্স-শোরুম প্রাইস ₹ 74,278

DEFINITELY MALE

Call 033-33992453 or visit www.bajajauto.com | *Ex-showroom West Bengal